

[Generalitat de Catalunya: Tornen os biens espoliatos á o Monesterio de Sixena](#)



O [Reyal Monesterio de Sixena](#), fundato en 1188, alfaya d'o romanico español, panteyón reyal d'Aragón e enclabe declarato Molimento Nazional en 1923, ye estato repetidamén espoliato. Ya, en primeras, con l'azón de rancar as incontimparables pinturas romanicas (siglo XIII) d'a Sala Capitulat en os tiempos d'a Guerra Zibil.

O Museu Nazional d'Arte de Catalunya (MNAC) e a Generalitat de Catalunya [son estatos condenatos](#) en senglas sentenzias (chulio 2016 e abril 2015) á tornar as pinturas murals e 97 obras d'arte e manifizios alzatos u amostratos en o [MNAC](#) e en o [Museu Diozesano de Leida](#), os pretenditos tetulos de propiedá u posesión d'os cuals son estatos refusatos por os chuzgaus.

Encara que os chuzgaus han ordenato o cumplimiento entegro d'amas sentenzias, sólo que 51 piezas que no bi yeran esposatas (d'as 97 que pertenexen á o Monesterio), son estatas tornatas, e as pinturas murals d'a Sala Capitulat continan agún en o MNAC,

A declarazió de Molimento Nazional en 1923 implica bellas midas espezials de protezió ta o Monesterio e o suyo contenito. A postura d'a Generalitat ye contraria á o Estau de Dreito, lechitima os conzietos e as estandarturas d'a Guerra Zibil e d'os espoliadors e fa de menos as baluras e as competencias de l'autogobierno d'Aragón en materia de patrimonio. As falsas e intresatas razons por as que a Generalitat preba de no tornar-las pas, son estatas amplamén refutatas por importants espiertos.

O pueblo aragonés, toz os catalans de buena boluntá que reconoxen que ista situazió d'inchustizia no fa bien á ra soziedá catalana, e chen de tot o mundo con conzenzia moral instan á ras autorizaz catalanas á cumplir entegramén as sentenzias. **Li reclamamos á o Presidén d'a Generalitat que cumpla con o que ditamina a Chustizia e que torne os biens de Sixena que nunca no abiron de salir d'Aragón.**

Reclamamos tamién que, en caso contrario, se prengan todas as midas que prebeje a Lei ta fer cumplir as sentenzias, incluyita ra suya execuzi3n forzosa por meyo d'o nimbio d'a pulizía chudizial.

As firmas recullitas en ista campaña s'entregarán en as puertas d'a Generalitat de Catalunya en un gran auto ziadadano á o que son combidatas todas as presonas que nos refirman. Os detalles de dito auto irán estando nunziatos en a pachina d'a Plataforma Sixena Sí: www.sijenasi.com

¡PARTIZIPA-BI EN A NUESTRA CAMPAÑA DE FIRMAS EN CHANGE.ORG!